

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCXXXVI.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

CCXXXVI.

FRIDERICUS MARCHIO BADENSIS EMIT A ZEISSOLFO DE MAGENHEIM CASTRUM OCHSENBERG CUM VICIS AD ILLUD SPECTANTIBUS.

ANNO MCCCXXI.

Ex autographo tabularii Bada-Durlacensis.

Ich Zeissolf von Magenheim veriche offentlich vnd dvn chvnt allen den die disen brief ansehen oder horent lesen, daz ich vnbezwungelichen mit gutem willen vnd mit bedachtem mute vnde och mit rat miner frunde redelich vnd och recht zu kuffen han gegeben minem Edeln Herren Margraue Friderich von Baden Ochsenberg mine Burg, vnd allez daz darzu gehoret, kirchsetze lüte güet velt walt wazser weit gesuch vnd vngeſuch ez si klein oder gruz swie ez si genant vnde han im och zu kuffen gegeben zu der vorgeschriben burg Ochsenberg zenbrunne michelbaech zaberneult daz ober Ramsbach vnde damp die dorfer vnd och den hofe zu flehingen mit allen den rechten die ich darzu heth oder han mvcht an vögethei an beth an zinsfen an wingelt, an lüten an güten an velde an walde an wazser an weide an wingarten an eckern vnd an wifen gesuch vnd vngeſuch swie man ez nemmet oder si genant vnd han im die burg vnd die vor geschriben gut allin geben recht vnd redelichen zu kuffen vmbe zwei dusent phunt haller vnde zwei hundert phunt haller, die ich von im gentzelichen vnd och gar empfangen han, vnd si in minen nutze han gewant, vnd darum so verzihe ich mich frilich vnde vnbezwungelichen vür mich vnd fröwe Elizabeth min eliche wirten vür alle mine erben vnd vch nach chümen allez dez Rechtes, vnn vch aller der ansprache damit ich oder si

die vorgeschriben Burg Ohffenberg vnd ouch gut alz oder ein teil wider gewonnen muchten an geislichem gericht oder an weltlichem, dem vorgeschriben Margraue Friderich von Baden oder sinen erben oder cheinem sinem nachkumen. Vnde daz aber dise allez vnd och iegliches sunderlichen stete vnd och war belibe, an alle geuerde, darum gibe ich der vorgeschriben Zeiffolfe von magenhein dem vorgenanten minem edeln Herrn Margraue Friderich von Baden vnd allen sinen erben, vnd ouch nachkumen disen brief mit minem ynfigel besigelt vnd och mit dez edeln herrn ynfigel margraue Rudolfs von Baden dez vorgeschriben margraue Friderichen Bruder mit Hern Cunrat dez Herzuge von Vrselingen Hern Cunrat von Dierberg Hern Gerhart von Dolhein von plangenstain genant, Hern Johanz von smalstein Hern Albrecht dez Roders von negewilr von schowenburg genant mit Hern Craftes von Bettingen Ritter phaffe Cunrat von smalstein vnde Wernhers von Bernhusen Eines edeln Knechtes ynfigel, die och bi dem kuffe vnd bi der vorgeschriben rede gewesen sint vnd och ander erber gute genoß. Wir die vorgeschriben gezüge margraue Rudolf von Baden dez vorgeseiten margraue Frideriches brüder vnd andere ritter vnd knechte alz si hie vorgeschriben sint veriehen offenglich daz wir durch Beth dez vorgeschriben hern zeiffolfe von magenhein vnser ynfigel an disen Brief han gelet. Der wart geben an dem Mantage nach sant Gallen tage do man zalt von Gottes geburt drüzehenhundert Jahr vnd in Einem vnd zweinzigsten Jar.

|| (L.S.) || (L.S.)